



*Odbor za urbanizam i upotrebu lokalnog zemljišta*

Broj: 04-GV-04-1263/21

Sarajevo, 15.10.2021. godine

**ZAPISNIK O RADU**  
**ŠESTE SJEDNICE ODBORA ZA URBANIZAM I**  
**UPOTREBU LOKALNOG ZEMLJIŠTA**  
*održane 15.10.2021. godine*

**Prisutni:**

1. Aida Koluder - Agić, predsjedavajuća Odbora
2. Ismir Smajić, zamjenik predsjedavajuće
3. Danijela Šahat, članica
4. Salih Išerić, član
5. Sandra Toskić, član
6. Fikret Jakupović, član

Odsutna: Marijela Hašimbegović, članica

Sjednici iz Stručne službe Gradskog vijeća Grada Sarajeva prisustvuju:

- Mirjana Đanović Stanić, rukovodilac Stručne službe Gradskog vijeća Grada Sarajeva
- Zinaida Beširević, šef Odjeljenja za stručne poslove

Sjednici prisustvuju i:

- Arijana Musić, ispred Gradske službe za urbano planiranje, investicije, stambene i komunalne poslove
- Selma Bećiragić, ispred Gradske službe za urbano planiranje, investicije, stambene i komunalne poslove

Predsjedavajuća Odbora je otvorila sjednicu u 15.05 sati, pozdravila prisutne i utvrdila kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu Pete sjednice Odbora za urbanizam i upotrebu lokalnog zemljišta Gradskog vijeća Grada Sarajeva održane 15.09.2021. godine

Na prijedlog Predsjedavajuće, jednoglasno je usvojen sljedeći dnevni red:

1. Nacrt Programa rada Gradskog vijeća Grada Sarajeva za 2022. godinu
2. Prijedlog Odluke o davanju saglasnosti za pokretanje procedure realizacije projekta postavljanja dva (2) jarbola sa zastavama BiH i Grada Sarajeva na ulazu u Grad Sarajevo – Istočni ulaz
3. Informacija o realizaciji Sporazuma o sufinansiranju radova na opremanju objekta Evropske kuće kulture i nacionalnih manjina bivše Austrijske kuće
4. Informacija o poduzetim aktivnostima na sanaciji, restauraciji i kolorističkoj obnovi fasade „Gospođicina kuća“
5. Informacija o trenutnom stanju Bistričke stanice, dosadašnjim i planiranim ulaganjima u Bistričku stanicu sa definisanom budućom namjenom predmetnog objekta
6. Informacija o statusu Bob i sankaske staze sa pratećim objektima i potrebnim aktivnostima u postupku obnove
7. Tekuća pitanja



## TAČKA 1.

### Nacrt Programa rada Gradskog vijeća Grada Sarajeva za 2022. godinu

Uvodno izlaganje podnijela je Arijana Musić, ispred Gradske službe za urbano planiranje, investicije, stambene i komunalne poslove i upoznala članove Odbora da se očekuje, na novembarskoj sjednici Gradskog vijeće razmatranje Nacrta Odluke o usvajanju Regulacionog plana „Alipašin Most VI“ sa Odlukom o provođenju Regulacionog plana „Alipašin Most VI“, a da bi Gradsko vijeće, do kraja godine, trebalo razmatrati i Prijedloga Odluke o usvajanju Regulacionog plana „Reljevo“ sa Odlukom o provođenju Regulacionog plana „Reljevo“. Ukoliko se razmatranje ovih akata ne realizira do kraja tekuće godine, ove dvije teme će, tekođer, biti sadržane u Programu rada Gradskog vijeća Grada Sarajeva za 2022. godinu.

Upoznala je članove Odbora da u Nacrtu Programa rada Gradskog vijeće Grada Sarajeva za 2022. godinu nisu predloženi rokovi za razmatranje regulacionih planova, obzirom da je zaključak Kantona Sarajevo o primjeni mjera zaštite ventilacionih koridora utvrđenih Studijom o urbanim ventilacionim koridorima i utjecaju visokih zgrada na kvalitet zraka još uvijek na snazi, te da je Zavod za planiranje razvoja Kantona Sarajevo uputio Vladi Kantona Sarajevo prijedlog urbanističkih pravila vezano za ventilacione koridore, tako da nije izvjesno kada će se programirani planski dokumenti moći uputiti Gradskom vijeću na razmatranje.

U raspravi koja je uslijedila učestvovali su svi članovi Odbora.

Poslije uvodnog izlaganja i rasprave, te sažetka Predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeće **zaključke**:

1. Odbor za urbanizam i upotrebu lokalnog zemljišta konstatuje da nema dovoljno informacija kako bi formirao mišljenje o Nacrtu Programa rada Gradskog vijeća Grada Sarajeva za 2022. godinu.
2. Odbor za urbanizam i upotrebu lokalnog zemljišta namjerava održati još jednu sjednicu i to u četvrtak 21.10.2021. godine u 14.00 sati, na koju će se putem Gradske službe za urbano planiranje, investicije, stambene i komunalne poslove, pozvati predstavnici Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, Zavoda za planiranje razvoja Kantona Sarajevo i predsjedavajući Gradskog vijeća, a radi praćenja procesa donošenja Urbanističkog plana za urbano područje Sarajeva 2015.-2035. i obavezne primjene mjera zaštite ventilacionih koridora utvrđenih Studijom o urbanim ventilacionim koridorima i utjecaju visokih zgrada na kvalitet zraka, na procese usvajanja regulacionih planova.
3. Odbor za urbanizam i upotrebu lokalnog zemljišta predlaže da se u Nacrt Programa rada Gradskog vijeća Grada Sarajeva za 2022. godinu uvrsti sljedeće tema:

Naziv teme: *Informacija o procesu donošenja Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) za period 2015.-2035. godina i obaveznoj primjeni mjera zaštite ventilacionih koridora*

Pravni osnov: Statut Grada Sarajeva

Predlagač: Gradonačelnica

Rok: mart, juni, septembar i decembar

Kratatak sadržaj: Informacije o napretku ostvarenom u procesu donošenja urbanističkog plana za urbano područje grada Sarajeva, a u kontekstu provođenja odluke o ventilacionim koridorima.

Razlozi za predlaganje: nemogućnost donošenja regulacionih planova iz nadležnosti Grada Sarajeva.

## TAČKA 2.

### *Prijedlog Odluke o davanju saglasnosti za pokretanje procedure realizacije projekta postavljanja dva (2) jarbola sa zastavama BiH i Grada Sarajeva na ulazu u Grad Sarajevo – Istočni ulaz*

Uvodno izlaganje podnijela je Selma Bećiragić, ispred Gradske službe za urbano planiranje, investicije, stambene i komunalne poslove.

Poslije uvodnog izlaganja i rasprave, te sažetka Predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta sugeriše Gradskom vijeću Grada Sarajeva da razmatra *Odluku o davanju saglasnosti za pokretanje procedure realizacije projekta postavljanja dva (2) jarbola sa zastavama BiH i Grada Sarajeva na ulazu u Grad Sarajevo – Istočni ulaz* kako je predložena.

## TAČKA 3.

### *Informacija o realizaciji Sporazuma o sufinansiranju radova na opremanju objekta Evropske kuće kulture i nacionalnih manjina bivše Austrijske kuće*

Uvodno izlaganje podnijela je Selma Bećiragić, ispred Gradske službe za urbano planiranje, investicije, stambene i komunalne poslove.

Poslije uvodnog izlaganja te sažetka Predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta je razmotrio *Informaciju o realizaciji Sporazuma o sufinansiranju radova na opremanju objekta Evropske kuće kulture i nacionalnih manjina bivše Austrijske kuće* i predlaže Gradskom vijeću Grada Sarajeva da je primi k znanju.

## TAČKA 4.

### *Informacija o poduzetim aktivnostima na sanaciji, restauraciji i kolorističkoj obnovi fasade „Gospođicina kuća“*

Uvodno izlaganje podnijela je Selma Bećiragić, ispred Gradske službe za urbano planiranje, investicije, stambene i komunalne poslove.

Predsjedavajuća Odbora je pozdravila aktivnosti na realizaciji ovog projekta, te istakla da bi bilo potrebno da se napravi turistička promocija objekta i da se objekt uvrsti u turističku ponudu grada.

Poslije uvodnog izlaganja te sažetka Predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta je razmotrio *Informaciju o poduzetim aktivnostima na sanaciji, restauraciji i kolorističkoj obnovi fasade „Gospođicina kuća“* i predlaže Gradskom vijeću Grada Sarajeva da je primi k znanju.

## TAČKA 5.

*Informacija o trenutnom stanju Bistričke stanice, dosadašnjim i planiranim ulaganjima u Bistričku stanicu sa definisanom budućom namjenom predmetnog objekta*

Uvodno izlaganje podnijela je Selma Bećiragić, ispred Gradske službe za urbano planiranje, investicije, stambene i komunalne poslove.

Poslije uvodnog izlaganja te sažetka Predsjedavajućeg, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta je razmotrio o *Informaciju trenutnom stanju Bistričke stanice, dosadašnjim i planiranim ulaganjima u Bistričku stanicu sa definisanom budućom namjenom predmetnog objekta* i predlaže Gradskom vijeću Grada Sarajeva da je primi k znanju.

## TAČKA 6.

*Informacija o statusu Bob i sankaske staze sa pratećim objektima i potrebnim aktivnostima u postupku obnove*

Uvodno izlaganje podnijele su Arijana Musić i Selma Bećiragić, ispred Gradske službe za urbano planiranje, investicije, stambene i komunalne poslove.

Poslije uvodnog izlaganja i rasprave, te sažetka Predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta je razmotrio *Informaciju o statusu Bob i sankaske staze sa pratećim objektima i potrebnim aktivnostima u postupku obnove* i predlaže Gradskom vijeću Grada Sarajeva da je primi k znanju.

## TAČKA 7.

*Tekuća pitanja*

Poslije rasprave i sažetka Predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta upućuje inicijativu Gradskom vijeću Grada Sarajeva da se postave zastave BiH i Grada Sarajeva i na zapadni, sjeverni i jugoistočni ulaz u grad Sarajevo.

Odbor za urbanizam i upotrebu lokalnog zemljišta traži od Gradskog vijeća Grada Sarajeva da podrži navedenu inicijativu, kako bi ista postala inicijativom Gradskog vijeća.

**PREDSJEDAVALA ODBORA**

*Aida Koluder-Agić, s.r.*

Predsjedavajuća Odbora je u 16.35 sati zaključila rad Šeste sjednice Odbora za urbanizam i upotrebu lokalnog zemljišta Gradskog vijeća Grada Sarajeva.